

MARWNAD,

ER COFFADWRIAETH

AM Y DIWEDDAR

BARCH. JOHN ELIAS,

O FÔN,

Yr hwn a ymadawodd â'r byd Mehefin 8, 1841,

YN Y FLWYDDYN 68 O'I OED,

Wedi bod yn pregethu yr efengyl yn mhllith y Trefn-
yddion Calinaidd 46 mlynedd,

GAN

WILLIAM WILLIAMS, TALGARTH.

A argraffwyd ar ddymuniad, a thrwy ganiatâd y
y Parch. H. Griffiths, Llandrygarn, Môn; i'r hwn
yr ymddiriedodd ein brawd ymadawedig ofal ei
holl ysgrifeniadau, ac ereill.

"Cyffadwriaeth y cysfawn, rydd fendigedig."



CRUGHYWEL:

ARGRAFFWYD GAN T. WILLIAMS.

RHAGY MADRODD.

HAGY MADRODD

NID oedd genyf yr un bwriad am argraffu y llinellau canlynol wrth eu cyfansoddi, ond yn unig gollwng allan ffrwd galar ar ol un ag oeddwn yn ei garu fel fy enaid fy hun ond ar ddymuniad lluaws am i mi eu hargraffu, ac ar ddymuniad a thrwy gyd-syniad y gŵr parchus yr ymddiriedodd ein hanwyl frawd ymadawedig ofal ei holl ysgrifeniadau, wele hi at eich gwasanaeth, am wrthddrych nad ymddangosodd yn Nghymru ei fwy yn y weinidogaeth er dyddiau yr apostolion. Ond gan fod Bywgraffiad o hono yn dyfod allan o'r wasg, a chan y ceir hyspysrwydd am dano yn hwnw, terfynaf yn bresenol trwy dalu yr hatling hon i drysorfa ei goffadwriaeth, gan ddymunaw ar i Dduw Elias dywallt deuparth ei Ysbryd ar ddegau etto yn Nghymru.

W. W.

[Entered at Stationers' Hall.]

M A R W N A D.

- 1 BETH yw y newyddion glywaf,
Ynchedeg draw o bell ?
A yw'n tadau yn myn'd adref,
Fry i'r etifeddiaeth well ?
Fy nhad, fy nhad, ai ti ddiangodd
At dy anwyl Briod glân,
I blith seintiau ac angylion,
'Nawr i seinio'r nefol gân ?
- 2 Ai rhaid marw gwas mor enwog,
ELIAS anwyl, draw o Fôn ?
A'i roi obry yn y ddaear,
Fel na chlywai mwy yn son
Am yr iachawdwriaeth rasol,
Doniau arfaeth fawr y nen ;
Ac am Iesu croeshoeliedig,
'R hwn fu farw ar y pren ?
- 3 Rhaid, oblegid darfu iddo,
Medd ei Arglwydd mawr yn llyn,
Orphen ei ddiwrnod gweithio,
Aeth i orphwys lawr i'r glyn :
Daeth yr awr, a daeth y fynydd,
Benderfynodd arfaeth nef,
Idd ei alw oddiwrth ei lafur,
'Mewn i'w gartref ato ef.
- 4 Yn Mehefin, ar yr wythfed,
Rhoddodd in' ffarwel yn lân ;
Deunaw cant, ac un a deugain,
Ydoedd hon o'n Harglwydd glân,

Yn y flwyddyn wyth a thr'ugain
 O'i oed yma ar y llawr ;
 Hanner canrif bu'n pregethu,
 Onid pedair, yma'n awr.

5 Y pymthegfed, rhowd i orwedd,
 Draw yn mynwent Llan-y-faes,
 'N ymyl ei hen gyfaill anwyl,
Lloyd, Beaumares, enwog was :
 Jonathan a Dafydd oeddynt,
 Cu ac anwyl, yr un wedd :
 Yn eu hangau nis gwahanwyd,
 Yma, na thu draw i'r bedd.

6 'Roedd llu liaws yn ei hebrwng
 Tua'i wely hir y bedd ;
 Llu o weinidogion enwog,
 A meddygon yr un wedd :
 Hanner cant o wŷr cerbydau,
 A'r gwŷr meirch yn ddeucant llawn ;
 Llu yn ddeng-mil, torf aruthrol,
 Oll yn dangos parch mawr iawn.

7 Deued Homer, deued Virgil,
 Deued Milton,—y gwir feirdd ;
 Deued Williams, Pant-y-celyn ;
 Deuent oll â'u doniau heirdd ;
 Plethent a choreddent hefyd,
 Eu galluoedd oll yn un,
 I fynegi doniau'r nefoedd,
 Roddwyd ar yr anwyl ddyn.

8 Deffro f'awen, deffro'n fuan,
 Cân alarnad ar y llawr,
 Am yr enwog, anwyl, anwyl
 Ddyn, ar furiau Seion fawr :
 Seraph tanllyd, goleu, dysclaer,
 Yn ehedeg yn y nef,
 Er pan gododd gras ef allan
 'N weithiwr yn ei winllan ef.

- 9 Cynysgaeddwyd yn rhyfeddol
 Ef â doniau nef yn llawn,
 Fel nad yn gyffredin clywid
 Neb â'r fath hynodol ddawn;
 Cododd allan fel rhyw angel,
 Goleu fry yn entrych uen;
 Yno hefyd ca'dd ei gadw,
 Hyd nes crymodd yma'i ben.
- 10 Yn Nghaernarfon fawr y codwyd
 'R enwog was, trwy ras ein Duw,
 Draw yn ymyl tref Pwllheli,
 Lle bu ar y cynta'n byw;
 Ond yn mhen ychydig gwelaf
 Ef, yn croesi draw i Fôn,
 Ac yn bloeddio 'rhyd yr ynys,
 Fywyd trwy haeddiannau'r O'n.
- 11 Byddai weithiau yn taranu
 Oddiar Seinaï felt a thân,
 A chalonau adamantaidd
 Yn cael eu dryllio'n chwilfriw mân:
 Yn y cyfwng cyfyng caled,
 Pan ar l'wgu b'ai rhai hyn,
 Mewn mynydyn gwnai droi'u golwg
 Draw i ben Calfaria fryn.
- 12 Bloeddiar, nes dadseiniaï'r werin,
 Gyda rhyw nefolaidd ddawn,
 Am eu cadw, am eu hachub,
 Trwy haeddiannau'r dwyfol iawn:
 Gweinidogaeth y Glân Ysbryd
 Fyddai gyda'i eiriau ef,
 Nes dadseiniaï'r bryniau oesol,
 Yma'n aml, gyda'i lef.
- 13 Weithiau byddwn mewn petrusdod,
 P'un ai John a fyddai ef,
 Neu ryw Uriel, neu ryw Gabriel,
 'Nawr a glywn yn codi'i lef;

Na nid John, ac na nid Gabriel,
 Ydwyt, ond mi ddywedaf pwy,—
 Rhyw Elias ar ben Carmel,
 Draw yn rhanu'r dorf yn ddwy.

14 Byddai'r dorf yn gwaeddi allan,
 'R Arglwydd Ior, efe sy Dduw;
 Ar ei ol ef yr awn ninau
 Bellach, tra y b'om ni byw:
 Duw Isräel a wasanaethwn,
 Ef addolwn tra'n y byd,
 Oblegid aeth ef a'n calonau,
 Ac yn gwbl aeth a'n bryd.

15 Llestr ydoedd yn llawn trysor,
 A neullduodd arfaeth nef
 I gyhoeddi, a mynegu
 Yma ei holl gynghor ef;
 Gyda rhyw eglurder hynod
 Gwnai ef hyny ini gyd,
 Yma i'r tyrfaoedd filoedd,
 Fai'n ei wrandaw ef o hyd.

16 Dygai allan o drysorau,
 Y Cyfammod gras yn llawn,
 Ini bethau hen a newydd,
 Sydd o ddyfais ddwyfol ddawn:
 Iachus oedd ei ymadroddion
 Am athrawiaeth gras ein Duw;
 Cadarn, a diysgog hefyd,
 Cadwodd ati tra bu byw.

17 'Roedd ef genym i'n blaenori
 Yma yn y fyddin fawr;
 Ni oddefai in', fel Aaron,
 Addoli'r llo am fynyd awr;
 Ond fe allai byddai weithiau,
 Ef, fel Moses, yn llawn tân,
 Pan y torodd ef y llechau
 Y pryd hyny'n ddrylliau mân.

- 18 Ond nid byth y byddai hyny,
 Gyda'i enw ef ei hun,
 Ond gogoniant Duw y nefoedd,
 Fyddai gan yr anwyl ddyn :
 Zel Phineas ydoedd ynddo,
 Tra bu yma yn y byd,
 Ac eiddigedd dros ei Feistr
 Oedd i'w ganfod ynddo y'ng hyd.
- 19 Ysbryd Paul, nid rhagrith Pedr,*
 Fyddai ynddo gyda'r gwaith ;
 Can's dywedai, yn yr wyneb,
 Wrth y beius am ei waith :
 Sel dros dŷ ei Dad oedd ynddo,
 Felly'n para dros ei oes ;
 Er bod saethyddion wrtho'n chwerv,
 Cryf ei fwa ef arhoes.
- 20 Teithio wnaeth ef Dde a Gogledd,
 Gyda gwaith ei Arglwydd glân,
 Trwy rew, eira, gwres, ac oerni,
 Nes ein gadaw yma'n lân :
 Nid rhaid i'm betrusaw dywedyd,
 Na lafuriodd mwy nag ef,
 Er pan gyntaf t'rawodd allan
 Gyda gwaith yr Arglwydd nef.
- 21 Byddai i dyrfaoedd mawrion
 Yn cyhoeddi'n groch i ma's,
 Dwfn godwm gaed yn Eden,
 Ac anfeidrol rinwedd gras ;
 Trueni dyn, a gras y nefoedd,
 A olrheiniai'n ddysclaer iawn,
 Nes b'ai pawb o'r dorf yn synu
 Wrth ei ddigyffelyb ddawn.
- 22 'Roedd hyawdledd Demosthenes,
 Wedi ei wau â gras y nef ;
 Cysegrodd yntau hyny'n gwbl
 Idd ei glod mynegol ef :

Ni b'ai byth ryw dyb chwyddedig,
 Uchelfrydig, ynddo'n byw;
 Ca'dd ei gadw'n ostyngedig,
 Gan rinweddau gras fy Nuw

- 23 Cristion hardd, a gŵr profedig,
 Ydoedd yma 'rhyd ei oes ;
 Dyn-duw anwyl, gŵr dysyml,
 Dyma'n gwbl oedd ei foes :
 Pwy fel fe yn gwrando'i frodyr,
 Pwy fel fe o dan y gair ;
 Byddai ef yn gwrando'r oedfa,
 Fel y dywedir in' am Fair.
- 24 P'un ai yn y pulpud fyddai,
 Neu o danodd ar y llawr,
 Mwyaf oll a fyddai yn mhob-llle,
 Pa le rhoddai'i droed i lawr :
 Pwy yn daerach mewn gweddiau,
 Pwy'n ffyddlonach nag efe,
 Gyda gwaith ei Arglwydd nefol,
 Tra bu yma îs y ne'.
- 25 Pwy dros y Gymdeithas Feiblaidd
 Yn fwy selog ar y llawr ?
 Nid oedd 'nol i *Charles* o'r Bala,
Richards (o Dregaron) fawr ;
 'Chwaith yr enwog *Charles*, Gaer-
 [fyrdin,
Lloyd, Beaumares, ffyddlon ŵr ;
 'R enwog *Ebenezer Morris*,
 Nag oedd ef yn ddigon *siwr*.
- 26 Pwy dros y Gymdeithas Dramor,
 Fawr genhadol nag efe ?
 Pwy dros y Sabothawl Ysgol
 Yn fwy ffyddlon dan y ne' ?
 Pwy dros y Gymdeithas enwog,
 Y Traethodau yn un man ?
 Pwy'n fwy bywiog, pwy'n fwy selog,
 Yma'n gweithio ar eu rhan ?

- 27 Pwy o blaid Cymdeithas Dirwest,
 Na'n ELIAS anwyl ni?
 Mi ofynaf i'r enwogion,
Rees, o Lerpwl, ai chwychwi?
 Neu ai chwi, yr enwog *Richards*,
 Abergwain, 'n awr dywedwch in' ?
 Neu ai chwi, yr anwyl *Havard*,
 O Frycheiniog fach, yn llyn?
- 28 Neu ai chwi, *Jones* o Lanllyfni,
Roberts draw yn Amlwch, Mon?
 Na, nid *Morris* o Dy Ddewi,
 Gwn y gwnaiff ef dewi son.
 Nid chwychwi ai 'e *Elias*,
 O Langammarch, gyda ni?
 Na *Hughes* anwyl, o Bontrobert,
 Er eich hegni gyda hi.
- 29 Ai chwychwi, *Jones*, Aberystwyth,
 Neu *Evans* o Ton'refail draw?
 Neu rhyw *Walters*, Ystradgynlais,
 Dywedwch i mi yn ddifraw?
 F' allai mai chwychwi, serch hynny,
Hymphreys, Dyffryn, oedd y dyn;
 Neu rhyw enwog *Edwards*, Bala,
 Rho'wch i'm glywed 'nawr pa un.
- 30 Mi ofynwn etto i ragor
 O'r ffyddloniaid dan y nef,
 Pe gwybyddwn fod yn rhyw le,
 Ryw un ag oedd fwy nag ef;
 Nag o'wn i, medd *Williams*, Lerpwl,
 Nag o'wn i, medd *Howels* dda,
 Nag o'wn i, medd *Edwards*, Wydd-
 [grug,
 Er gwrthsefyll yr hen bla.
- 31 Nag o'em ni, medd pawb yn un-llais,
 Nag o'em ni, medd pawb yn un;
 Ond er hynny gwnawn ein goreu,
 Gyda gwaith ein Harglwydd cun;

Ond yr oeddym, bawb yn gryno,
 Oll yn rhoddi iddo'r bla'n ;
 Can's fe'i llanwyd yn rhyfeddol
 A rhyw nefol, rasol dân.

32 O! gan hyny, bu'm bron gofyn,
 'Nawr yn gynnll i fy Nhad,
 Pa'm cymmeraist wr mor enwog
 Yma, oddiar faes y gwa'd ?
 Gwr yn medru trin ei arfau,
 Yma'n daclus yn ei ddydd ;
 Gwr hynodol, doeth, rhinweddol,
 'Nawr wedi ymadaw sydd.

33 Mwy nis cawn ei weled yma,
 Yn y Gymdeithasiad fawr ;
 Ofer i mi mwy i chwilio,
 'M dano'n un-ll e ar y llawr ;
 Ofer i mi i chwilio'm dano
 'N Ler'pwl nag yn Llundain fawr ;
 'N nhref Manceinion na Llangefni,
 Mae ef wedi gado'r llawr.

34 Yn Bodedyrn a Llanrhuddlad,
 Amlwch a Chaergybi, Mon,
 Yn Beaumares, ac yn Cemes,
 Dywedodd lawer am yr O'n :
 Ai nid tybed, dywedwch wrthyf,
 Medd dychymmyg i mi'n *siwr*,
 Pe olrheiniwn fryniau, pantau,
 Na chawn ef tu yma i'r dwr.

35 Na, medd rhyw un o'r angylion,
 Nid yw yna gyda chwi ;
 Ond mi ddywedaf yn glir wrthyf,
 Ei fod yma, gyda ni.
 Roeddwn I yn un o'r teulu,
 Yn y cwm ni nefol glan,
 Yn dwyn adref y gwas enwog,
 Fry i'r nef, mewn cerbyd tân.

36 Darfu in, wrth gael commisiwn,
 'Nawr i'w hol i'r nefol wlad,
 Ddeall mai rhyw ail Elias,
 Ydoedd, olchwyd yn y gwa'd;
 'Roeddym yn gerbydau tanllyd,
 Gyda rhyw rhyfeddol frys,
 'N dwyn adre'i enaid canaid,
 Y tu fewn i'r nefol lys.

37 Y mae wedi dechreu's dyddiau
 Ar yr anthem, cân yr O'n;
 Tarawodd ar y tannau'n hwylus;
 Glywsoch chwi ef yna'n son.
 Gras yr arfaeth, grym Cyfammod,
 Yn haeddiannau dwyfol Iawn,
 Roddwyd drosto ar Galfaria,
 Yw ei gân ef yma'n llawn.

Nid oes genym ond dystewi,
 A galaru yma yn nghyd;
 Colled i ni oedd ei golli,
 Fe ga'dd ennill yr un pryd.
 Gwisg dy alar Gymru hawddgar,
 Gwisg dy alar ynys Môn;
 Ac o de'wch i gydalaru
 Wrth fy mod am dano'n son.

39 Apostol Iesu, gwas yr Arglwydd,
 Cenad o Ladmerydd oedd,
 Gwasanaethwr pur, difeffl,
 Yn ein plith heb ball ar go'dd;
 Un o weinidogion cymmwys
 Newydd Destament oedd ef;
 Ac am hynny boed yn gryno,
 Y clod i gyd i ras y nef.

40 Gras a'i cododd ar y cyntaf,
 O bydew llygredigaeth cas,
 Gras a'i daliodd yma'n gwbl,
 Flwyddau meithion ar y maes;

Gras a roddodd arno'r harddwch,
 Gras a'i daliodd yn y byd;
 Ac o ras ca'dd ei goroni
 Heddyw yn y nefol fyd.

- 41 Mrs. Elias, hawddgar dirion,
 Na rwgnechwch tra'n y byd,
 Ond dymunwch ras yr Arglwydd,
 Cymmorth ydyw nerth mewn pryd.
 Chwithau, 'i holl berthynasau hawdd-
 [gar,
 Dymunwch nerth yr Arglwydd Ion,
 Am eich golchi, am eich canu,
 Yn rhinweddau gwaed yr O'n.

- 42 'Nawr wrth dewi a rhoi fynu,
 Dymunwn etto am i Dduw
 Godi Thesbiaid, gwir wroniaid,
 Gyda'i waith nefolaidd gwiw.
 Gwir genhadau goleu cedyrn
 Yma ini îs y nen,
 Yw dynuniad y caniedydd,
 Felly byddo byth. Amen.

ENGLYNION.

Och dristyd ddyfryd ddwyfron!—och geli
 Och galed newyddion!
 Och eilwaith gorph a chalon!
 Och roi'n y bedd mawredd Mon!

GORONWY OWAIN.

Iawn seraph yn flamio'r siroedd,—a dyn
 O daniad y nefoedd;
 Ail Elias addas-oedd,
 Nodedig enaid ydoedd.

Boanerges, gwres a graid,—aidd enddawd
 Oedd ynddo ei lonaid;
 Dyrchu bloedd yr oedd o raid
 O dân i gadw enaid.

IAGO TRICHRYG.